



UNIVERSITÄTS-
BIBLIOTHEK
PADERBORN

Concilia Provincialia Mediolanensis Sex

Borromeo, Carlo

Venetiis, 1602

De Punctatoribus.

[urn:nbn:de:hbz:466:1-62072](https://nbn-resolving.org/urn:nbn:de:hbz:466:1-62072)

17 Nec verò à residentię munere liberi sint, qui tertiam partem fructuum, qui sibi ex dignitatibus obueniebant, quas in Ecclesijs Cathedralibus obeunt, in distributiones contulerint. Imò verò ij cetera etiã, quę Tridentino decreto in Sessione 24. promulgato, iplis præscripta sunt, præstare ab Episcopo cogantur.

5. Ibid.

18 Ne ille quidem excusetur, cuius Ecclesia, aut beneficium eiusmodi est, unde omnis, aut certè magna pars fructuum, aliquo modo reservata, ad alium peruenit.

19 Nè Episcopus, propterea quod sibi liberũ, integrumq; est, facultatem permittere, qua liceat, aliquem ab Ecclesia commissã, beneficiorũ personalis residentię abesse, ea potestate, facultate uè princeps ob cuiusvis generis causam vtatur: sed in illa concedenda modum, & rationes adhibeat, Concilij Tridentini præscriptas.

20 Præterea, qui Ecclesiastica quacumque beneficia obtinent, in quibus etsi curata non sunt, tamen residere iure, vel consuetudine debent; si muneris suo defuerint, in eos Episcopi, & illis pœnis, quę à sacro Tridentino Concilio statutę sunt, & alijs arbitrio suo seuerè agant: fructusq; quibus ex eodem Concilio mulctandi erunt, pijs locis attribuunt.

1. Ibid.
Sess. 6. c. 2.
Sess. 21. c. 12.

21 Vt autem Episcopi pœnas de contumacibus in hoc genere possint sumere, statuimus; vt in singulis Collegiatis, & Cathedralibus Ecclesijs, singulis tribus mensibus, tres primi ex Capitulo, præsentem, Canoniorum, & eorum, qui præpositi Ecclesijs, & aliorum qui in eis huiusmodi beneficia possidentes, non resideant, nomina ad Episcopum deferant.

1. Ibid.

22 Parochi verò Episcopum admoneant, si qui intra fines suę Parochię, eiusmodi habentes beneficia, quę personalem item residentiam requirant, non resideant.

23 Vicarij etiam foranci eandem diligentiam adhibeant, si qui curati, in regione, sibi ab Episcopo commissã, non residerent.

Qui huic officio deerit, sicuti Episcopo videbitur, plectatur.

24 Qui impetrata ab Ecclesia discedendi facultate, aliquam diu abfuerit, mensis saltem spatio, postquam redierit, Episcopum de suo ad Ecclesiam reditu, certiore faciat: quod si neglexerit, perinde censeatur, ac si non legitime abfuerit.

1. Tit. 2. de cur
36.

Que hic desiderantur, videantur in Tit. de Parochijs, &c. De Ministris Eccl. & de Punctatoribus, & Distrib.

De Punctatoribus Cathedralium, & Collegiatorum, ac aliarum omnium Ecclesiarum.

S V M M A R I V M.

- 1 Punctatoris creandi mos quibus in Ecclesijs retinendus.
- 2 Punctatores quatuor, ubi, à quibus, & ad quid, creandi.
- 3 Eisdem delectis, præscripta triplex tabella ante insurandum prælegenda . 8.
- 4 Tabella ipsa triplex de diuinis officijs, processionibus, capitulis, & modestia in eis seruanda, & de penis erratorum causa subeundis.
- 5 Ea quando Capitulo legenda: quoque Ecclesie loco affigenda.
- 6 Illi addere Episcopo liceat.
- 7 Insurandum à quibus Punctatoribus præstandum, & quando.
- 8 Et qua formula.
- 9 Punctator non iuratus, id munus gerens, mulcandus.
- 10 Quo tempore perseveret in eo officio.
- 11 Punctator capitularis quos notet.
- 12 Aliquem iniuria notans, qua pena mulcandus.
- 13 Libros punctationum custodiat, & eos, quibus, & quando exhibeat.
- 14 Sacris horis intersit, & impeditus, alterum facultate subleuat.
- 15 Punctator Episcopalis quam ob causam creandus.
- 16 Et qualis . 16.
- 17 Iuramento præstito, quos & ipse notet.
- 18 Ad suscipiendum id officium, qui cogi possint.
- 19 Canonicum, vel alium in Capitulo, vel Ecclesia iniuriantem Episcopo deferat. Quæ ad Capitula pert. nu. 9.
- 20 Punctatoris Capitularis, & Episcopalis officium quale, ex decreto Concilij Quarti.
- 21 Punctatio ab illis facienda qualis. Collatio eorum librorum . 33.
- 22 Errata prima Tabellæ, ut notentur.
- 23 Et quorum erratorum Episcopus admonendus.
- 24 Errata secunda, & tertia Tabellæ qualiter item notentur.
- 25 Erratum eiusdem triplicis Tabellæ notare omittens, ut mulcandus.
- 26 Mulcta cui adiudicanda.
- 27 Punctatores, diuinis officijs expeditis, errata præfecto chori, Canonicis præsentibus, & ubi exponant: quando omitti possit. 28.
- 28 Errati se expurgare volens, coram quibus id faciat.
- 29 Se expurgans, cum Punctatoribus non contendat.
- 30 Præfecti Chori in ipsa contentione dirimenda officium.
- 31 Erratorum expositio, Canonicis præsentibus, quando omittenda.
- 32 Punctator inferiorum ministrorum qui, & à quo constituendus.
- 33 Illius officium quale.

- 31 Is etiam iuret; trimestri officium gerat; & cetera Punctatoribus, & Thesaurarijs Capitularibus prescripta seruet. 42.
- 32 Punctator alius creandus; qui errantes in cultu officiorum, vel festi diei, vel funeris, vel anniuersariorum, vel processionum, &c. notet. Is quando iuret. 6. & quomodo. 7.
- 33 Errata committens in processionibus, ut notandus. De process. nu. 16.
- 34 Punctatores Capitulares, & Episcopales, quando inter se libros punctationum conferant: & supputationem firment.
- 35 Discrepantia aliqua in eisdem libris existente, ut dirimenda. 33.
- 36 Supputatio quando, & quomodo fienda eius, quod unusquisq; habere debet ex Capitulari censu.
- 37 Supputationi predicta qui subscribant.
- 38 Detractio pro ratione absentia, & errorum, ut facienda.
- 39 Eiusdem detractionis calculis qui item subscribant.
- 40 Supputationis signata tabula Capitulo, uel Thesaurario tradenda.
- 41 Capitulum uero, Thesaurarius uel, quomodo, & quando distributiones partiatur.
- 42 Supputationis, & solutionis ratio supra prescripta seruanda in quibus distributionum censu, qui ad mansionarios, &c. pertinent.
- 43 Et qui ad hanc ministrorum supputationem adhibendi.
- 44 Supputatio quotannis fiat totius temporis, quo Canonici, Ministriq; absentes fuerint.
- 45 Absentes a choro tribus mensibus reperti, & distributionibus, & prebenda fructibus multandi; & quid si ulterius absuerint.

Punctatoris creandi morem in omnibus Ecclesijs Cathedralibus, uel Collegiatis retineri iubemas. 1. De off. Pū-
cat.

Punctatores quattuor ex decretis Conciliorum Prouincialium creandi sunt: duo scilicet, qui Canoniorum absentiam, & errata in diuinis officijs notent; quorum alter a Capitulo, alter ab Episcopo deligatur; Tertius, qui singulorum Mansionariorum, Capellarum, Sacristarum, custodiam, aliorumq; ministrorum absentiam, errata que obseruet, & signet. Quartus, qui peccantes in prescriptis ab Episcopo leges, de prestandis, ac cauendis in festi diei, funeris, anniuersariorum, processionum, &c. celebratione similiter notet: de quibus omnibus infra, nu. 9. 14. 29. & 32. uberijs explicabitur.

Cum & Tridentinis sanctionibus, & nostris etiam Prouincialibus Decretis, multa salutariter de diuinis officijs, functionibusque Ecclesiasticis, atque alijs eiusdem generis constiuta sint, ut ad eorum prescriptum 4. de Distrib.

ptū omnes, singuliq; Prouinciæ nostræ Canonici, Capitula, & dignitate præditi, reliquique omnes Ecclesiarum ministri, chori officijs quocumque iure, nomine, titulo, modouè astricti, sese conforment; diuinaque officia, processiones, funeralia, & alia, quæ ecclesiastici muneris, ecclesiasticarumque functionum sunt, rectè obeant; ad eaque non solum constitutis horis, ac præscripto modo conueniant; verum etiam in ijs ipsis piè, deuotèque versentur, & persistant; suis quoque functionibus, muneribusque satisfaciant; tum præterea ex eorundem decretorum præscripto Canonici Capitula habeant; ad ea conueniant; in illis denique vt par est, rectè versentur; ac rursus ab omnibus, & singulis erratis, quæ notata caueri, sancitū est, prorsus abstineant; triplicem Tabellam ordine explicatam, ex decretisque Prouincialibus breuiter descriptam, & quæcumque in earum vnaquaque vel vniuersè, vel sigillatim, aliaue ratione præscripta sunt, propositis suo loco penis, accuratè seruari, in executionisq; vsum introduci sancimus.

4 Tum præterea eandem, cum de scripto statis quibusdam diebus frequenti Capitulo, & reliquis, quorum interest, legi, pronunciarique mandamus: tum in omni Sacristia, etiam Parochialium Ecclesiarum, cerço conspicuo loco, decorè affixam, in omnium conspectu proponi, perpetuoque retineri sancimus.

5 Singulis verò ijs tribus Tabellis pro Ecclesiæ, diocesisque sue rationibus, ab vnoquoque Prouinciæ nostræ Episcopo, ex præceptionibus suis, probatisuè Ecclesiæ statutis, alias præterea errorum notas, Punctationesue, prout opportunum ipse censuerit, addi perpetuo liceat.

1. De off. Punctatoris.

6 Is in mensem, vel in aliud certum tempus, pro cuiusque Ecclesiæ consuetudine à Capitulo constitutus iuret, se in officio suo obeundo fidem, ac diligentiam præstiturum.

4. de distrib.

Quod de Punctatorum iureiurando in Concilio Prouinciali primo sancitum est, id & ab iisdem, & ab vnoquoque item Punctatore, qui vel festi diei, vel funeris, vel anniuersariorum, vel processionum, vel aliorum denique diuinorum Officiorum causa, etiam in Collegiatis, alijsuè Ecclesijs constitutus est, præstetur, non modo cum Punctatoris officium suscipiunt; verum etiam in publico diocesanæ Synodi conuentu qui habebitur, dum ipsi id officium gerunt; quò religiosius vnusquisq; eorum excitetur ad debitum in munere suo obeundo officium, cum fidelitate coniunctum, adhibendum. Iurisiurandi formula hæc sit.

7 Ego N. Punctatoris officium, quod suscepi, per hæc sancta Dei Evangelia iuratus, sanctè promitto, ac spondeo, me fideliter, & sincerè, quantum in me est, executurum: sic me Deus adiuuet, & hæc sancta Dei Evangelia: vel si iuret super sacras reliquias. Et hæc sanctorum pignora.

Puncta-

8 Punctatoribus singulis, vbi primùm delecti illi sunt, præscripta illa triplex Tabella, duobus de Capitulo præsentibus, ante legatur, quàm iusiurandum præstent.

Si quis autem Punctator non iuratus, id munus inierit, aut gesserit, mulctetur pro modo culpe, Episcopi arbitratu.

9 Vniuscuiusque Punctatoris Officium, ac munus deinceps trimestre sit: quod tempus ab Episcopo, & ab Capitulo, suo cuique Punctatori, prorogari liceat.

10 Studiosè exploret, & in libro punctationum notet omnes, quicumque ij fuerint, qui sacras horas, & diuina officia non obierint: quique contra, quàm his, alijsuè Constitutionibus præscriptum est, in choro quiddam fecerint. Qua in re is nullius non odio, non amore, non spe, non metu moueatur.

1. de off. Punctat.

11 Si aliquem iniuria notarit, de suo ei satisfaciatur; si verò notandum prætermiserit; de suo item tantundem det; quod in Ecclesie usum conuertatur; & integras vnius hebdomadæ distributiones amittat.

12 Libros Punctationum diligenter custodiat, & Episcopo, & Capitulo singulis mensibus exhibeat: & quoties id Episcopus, vel Capitulum postularit.

13 Quo tempore is in Officio Punctatoris permanerit, Sacris horis, & officijs omnibus intersit; nisi absit de eius licentia, qui choro præsidet: quo tempore alium, ab eodem chori præfecto probandum, substituat, qui suo muneri satisfaciatur. Si secus fecerit, pro singulis vicibus vnius diei distributionem amittat.

14 Vt autem hoc officium melius exerceatur, neminique aliquid iniuste, aut remitti, aut adimi possit; præter delectum à Capitulo, alter Punctator ab Episcopo creetur.

15 Is supra scripto iureiurando apud Episcopum præstato, altero in libro omnes, qui suo muneri defuerint, notet.

16 Episcopus deligat ad id Punctatoris Officium, quem voluerit, idoneum Clericum.

17 Eidem Episcopo facultas sit, de ea Cathedrali, vel Collegiata Ecclesia, in qua Punctator creandus sit, omnes, quoscumque libuerit, propositis poenis suspensionis à diuinis, & alijs suo arbitratu, cogendi, vt id munus suscipiant, & obeant.

18 Punctatorum, quos Episcopus, Capitulumque ex præscripto primi Prouincialis Concilij constituerit, cura, & officium sit, tum Capitulo vniuersi, tum vniuscuiusque dignitate præditi, Canoniciuè absentiam, & errata notare.

4. De distrib.

Vnusquisque eorum, quod ad notandi rationem attinet, in ijs omnibus, & singulis, quæ Conciliorum Prouincialium, & primi præsertim

ferim decretis, eo de genere præscripta sunt, sui muneris, cutaque partes præstet.

Accuratè in primis, rectèque notet, non eos solum singulos, qui statim Canonj cis horis à choro abfuerint; verùm etiam vnumquemque, contra decretorum Prouincialium, & Tabellarum præscriptum in choro, in processionibus, in funeralibus, diuinisque alijs officijs; errantem, peccantemquè.

19 Absentiæ nota, punctatione, qua punctatores vtantur, vna, eademque sit, & aliqua ratione ab ijs notis distincta, quæ erratis notandis vsui erunt.

20 Errata singula, in prima Tabella descripta, vna, eademque punctationis ratione notentur: nisi erratum aliquod eiusmodi sit, ob quod, præter distributionum multam, alia etiam pœna, arbitrarij Episcopi proposita est. Tunc enim huiusmodi erratum sigillatim, accuratèque per Punctatores notetur; ac de eo hebdomadè, aut mensis ad summum spacio Episcopus certior fiat, qui errat, pœnam exequatur.

21 Quicumque errata in secunda Tabella adscripta commiserit, eius errata, prout sunt, enucleatè, explicatèque notentur; vt pro culpæ ratione, à chori præfecto, ex facultate sibi data, aut ab Episcopo mulctetur, puniaturquè.

Idem notandis terciæ Tabellæ erratis, ad Capitulum pertinentibus, per eosdem seruetur.

22 Si quod erratum triplici Tabella notatum ab vilo quouis, aut etiã ab vniuerso Capitulo committi Punctator vllus animaduertit, idemque sciens libro suo notare prætermiserit; pro præmissa, ommissa, uè cuiuslibet notæ, aut punctationis ratione, de suo tantundem det, quod ad Ecclesiæ vsum conuertatur.

23 Quæ distributiones ab Episcopo, Sacristiæ, aut alij loco pio addicentur; tùm aliam etiam grauiorem pœnam, pro culpæ ratione, eisdem Episcopi arbitrarij, pendat.

24 Vnusquisque præterea Punctator singulis diebus, cum diuina officia peracta sunt, quos pro absentie, aut erratorum ratione, in choro notarit, eos præfecto Chori, præsentibus alijs de Capitulo, qui eo loco tunc adfuerint, in Sacristia, aliouè loco, vbi Superpellicea, Canonicalesuè Cappas & induunt, & exuunt, cum primùm eò Clerus, Collegiatim à choro redierit, nominet, errataque singula exponat.

25 Si quis verò erit, qui aliquam absentie suæ, alteriusuè facti causam afferat, quamobrem se contra præscriptas regulas quicquam non egisse, admisisseuè: nec propterea absentie, vlliusuè errati pœnam commississe putet: id tunc Chori præfecto coram Punctatoribus planè significet.

26 Nec verò si Punctator contradicat, is cum illo non modo non contendant, neque verbum vllum commutet; sed ne respondeat quidem: imò verò statim inde secedat.

27 Praefectus autem, cæteris, præter Punctatorem, semotis, de re tota deliberet: atque, si ita planè rem se habere manifestè compererit, vt nullam, vel absentie, vel errati culpam ille commiserit, illius punctationem in choro notatam, deleri iubeat. Si verò ita sanè non constiterit; in librum punctationum omninò referri mandet. Quod si quæ, vel difficultas, vel ambiguitas erit; Vicarius Episcopi consulatur, qui totam rem statim sine forma iudicij, liberè arbitrato suo statuatur, vt primo Concilio sancitum est.

28 Sin autem hæc, notatos, errataque in Sacristia, aut alibi Canonicis, Capitulouè nominandi, seu exponendi ratio, aliquid, vel incommodi, vel turbæ, vel dissensionis, vel rixæ, offensionisue afferat, aut punctatores ipsos ab officij sui libertate deterreat; Episcopo integrum sit, illam ommittere, rescindere, atque abrogare, vt magis expedire censerit.

29. 30 Punctator præterea, qui, vel idem, vel alius sit, ab Episcopo constituitur; cuius officium erit, singulos Mansionarios, Capellanos, Sacristas, custodesue, aliosq; Ecclesie ministros, Chori officijs adstrictos, qui itatis horis ab illis absuerint, quiuè contrà Tabellarum præscripta, aliaue, vt supra, errata commiserint, diligenter obseruare; eosdemque in Choro quàm primùm notare. Idem stas diebus notet, pro absentie, & errorum, quæ in Tabellis explicata sunt, ratione, Clericos, Ecclesiasticosque homines, Tridentini, aut Prouincialis decreti auctoritate, Cathedrali, vel Collegiate Ecclesie adscriptos, vt ij, quamuis residentie distributionum, quibus mulctari possint, participes non sint; tamen à chori præfecto, salutari aliqua pœnitentia afficiantur, ac corrigantur; tum etiam pro culpæ, negligentie, erratiue grauitate, Episcopi iudicio plectantur.

31 Hic item Punctator iuret; officium tribus mensibus gerat; absentes, & errantes obseruet, notet; notatosque in Sacristia nominet; & statim in libro punctationem seruet; & in suo munere cætera omnia, quæ alijs punctatoribus præscripta sunt, præstet.

32 Vt erratis, quæ in diuinorum Officiorum cultu committi solent, in Collegiatis nõ solù, sed in alijs etiam quibusuis Ecclesijs, & alibi occurratur, vbi, vel festi diei, vel funeris, vel anniuersariorum, vel processio- num, vel aliarum rerum causa plures Clerici conueniunt, Episcopus certas Tabella descriptas, eorum omnium leges, quæ à Clero in illorum officiorum, & processio- num functionibus, aut caueri, aut præstari debent, diligenter præscribat. Quæ leges, vt seruentur, eam ineat rationem;

3. De ijs quæ ad diuin. off. pert.

nem; vt quibus in Ecclesijs, vel officijs Præfectus est, & Punctator item; hic si in eorum cultu erratur, errata notet; ille errantes mulctet: vbi verò non est, cum illa officia, processionibus ibi obiri contigerit, aliquis ex Clero, qui ad ea obeunda contenerit, certus & punctator sit, qui in eo officiorum cultu errantes notet; & alius præfectus, cui hæc erratorum ratio, errantiumque mulcta sit commissa.

33 Singulis hebdomadis ambo punctatores libros inter se conferant; & si qua in re discreparint, Episcopus, vel eius Vicarius illico omnem eorum controuersiam sine vlla forma iudicij, sublato quocumque etiam appellationis impedimento, dirimant.

Singulis hebdomadis, vt est primo Concilio Prouinciali decretum, punctationum suarum libros conferant inter se punctatores illi, quorum alter ab Episcopo, alter à Capitulo, ex eodem Prouinciali primo Concilio delectus est: ex qua collatione, tum quicquid pro suæ quemque personalis in choro residentia munere præstitisse; tum rursus pro absentia, erratorumque ratione, quoties officio suo defuisse, diligenti punctationum supputatione facta, constiterit: id firmum, ratumque vique ad eò sit, vt eo collato in singulas hebdomadas calculo, tribus primis vniuscuiusque mensis diebus, Canonialis ministerij, aut operæ, quam quis in choro præfens, mense proximo superiori rectè, & ritè obierit, certa, firmaque supputatio à præfecto chori, & à punctatoribus constituatur: qui præterea eo nomine constitutæ illi supputationi subscribant.

34 Eam verò cautionem punctatores adhibeant, vt cum in libris conferendis aliquid compertum esset, quod vilo quouis modo discreparet; antequàm illa punctationum, distributionumque supputata ratio constituatur, quæ stata, firma, & subscriptione munita sit, Episcopum, aut eius Vicarium consulant, qui ex Concilij Prouincialis primo decreto, sine vlla forma iudicij, omnem controuersiam dirimat.

35 Ad certam illius collatæ, & constitutæ supputationis rationem; mense Octobri, alioque, singulis annis, omne, quod ex communi Capituli censu habere quis debet, rectè pro vniuscuiusque Ecclesiæ more supputetur.

36 Cui supputationi, calculoque, præfectus Capituli, & alter Chori, item Punctatores, Caneparius Capituli, & si ita Capitulo videbitur, duo item alij, à Capitulo delecti, præfentes adsint.

37 In eo omni calculo cautio omninò sit, vt vnicuique verè detrahatur, quod detrahi par est, pro ratione dierum, & horarum Canoniarum, quibus à Choro, diuinisq; officijs abfuerit: nisi illum ijs causis abfuisse contigerit, ob quas Tridentina Sanctione, Constitutionibusque Prouincialibus quis, licet absens, in præsentibus tamen censetur.

Tum

Tum detrahatur item pro ratione erratorum, si que ille comiserit.

38 Huic supputationi ita inite, ac detracta, prefectus Capituli, & item Chori, & illi duo a Capitulo delecti, ac punctatores item subscribant.

39 Tabulae vero, syngraphae, aut scripta huius sic inite, & subscriptione obsignata supputationis, Thesaurario, Canepariouè Capituli tradantur, ut quod unicuique debetur, statim temporibus, pro illius constituti calculi ratione persoluat. Aut eidem consentienti, quantum quisque pro illius supputationis ratione habere, capereue debet, tantumdem cedat e Communi residentiae censu.

40 Ne Capitulum, &c. Quod hic deest, vsque ad sequentem §. Hec omnis ratio, remissum fuit ad seq. tit. de Distribut. nu. 22. tamquam opportuniori loco.

41 Hec omnis ratio in supputatione, & solutione distributionum, Capitularium supra praescripta, poeneq; ibidem propositae, locum etiam habitant, in quouis distributionum censu, qui ad Mansionarios, Sacristas, custodes, aliosue chori ministros, & inferiores Canonicis, quocumque nomine nuncupatos, pertineat.

42 Idem, ut supra, de eorum ipsorum Punctatoribus, Thesaurarijs, Caneparijsue si quos a Capitulari censu, Thesaurario, Canepariouè, & punctatoribus distinctos habuerint, decretum sit.

43 At loco eorum duorum, qui de Capitulo ad supputationem adhibendi sunt, alij itidem duo ex ipsis inferioribus Chori ministris, distributionum censum a Capitulari, Canonicaliue separatim habentibus, adhibeantur: ijque ab iisdem, ad quos census pertinet, eligantur.

44 Ex punctationum libris, annis singulis expletis, iubeat Episcopus ab eo, cui ipse id curae dederit, diligenter rationem inspicierum, qui bus vnusquisque vel dignitate praeditus, vel Canonicus, vel Sacrista, vel custos, aliusue Ecclesiae minister, Chori officijs adstrictus, ad illa non conuenit.

45 Qua perspecta, & supputata etiam ratione, si quem diutius tribus mensibus a Choro abfuisse compererit; quamuis in vrbe, oppidone, in quo Ecclesia est, manserit; illum tamquam absentem, praeter distributionis amissionem, fructibus etiam praebendae, & alijs item poenis, pro contumaciae grauitate, ex Concilij Tridentini sanctione, contra eos, qui amplius trimestri spatio abfuerint, edita, mulctet.

Quae huic Titulo desunt, videantur in insequenti Tit.

de Distributionibus.

De